

沈乃文 主編

明別集叢刊 第五輯

第五冊

黃山書社





國家出版基金項目
NATIONAL PUBLICATION FOUNDATION


『十二五』國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第五輯

第五冊

黃山書社



(明)張瑞圖 撰

白毫菴內篇二卷外篇一卷襍篇一卷

明崇禎刻本

引

詩家率言苦吟此不必盡然之
論也夫詩言志也志之所至詩
亦至焉何苦之爲志之所不至
而詩必至焉則有嘔心瀉毫
難以求之者究其所至亦第與
交來韻世爭工拙於句字之間
耳若夫寫懷之幽鬱與感入之
淺深則與得之之難易固無涉
也杜少陵自述性癖耽佳句語

不驚人死不休若得之甚苦者

繇今讀之少陵之自寫其爲少

陵與讀少陵詩若見少陵者豈

必盡出於創獲驚人之語哉生

平所爲詩宦遊十一歸田十三

近歲戊巳二豎爲痼床几湯藥

之中反得十六七以其情動而

作情達而止不強至所不至也

用南華例釐爲三篇舒寫性情

者爲內篇供給酬應者爲外篇

情詞錯出體裁少具爲雜篇內
篇襍篇雖詞旨淺陋不足就正
大方猶或可藉口言志以私示
相知外篇則王敬美先生所謂
河下興隸顧募應付俱非正身

引三

者不足示人也巳卯蜡月
菴道人張瑞圖識

白毫菴內篇卷一

白毫菴道者著 男潛夫編次

弟之與

姪浩夫

外孫楊玄錫 全較

士有引

其前月其後之月其後八月其後三月其後

內篇

一

踰床几間殊苦無以度晷適時於枕上
記憶古昔肥遁達生寡欲無競之士實獲
我心者彙括其事跡韻以成篇口授侍者
錄而存之家人曰是不益瘼火耶余曰是
俱見成語不大費思每篇就諷之當服清
涼散耳其名公鉅卿縱臭味不殊而圭組
爲累則姑舍是亦五君之詠不及山王意

也隨憶隨錄世代不甚詮次共得八十六

人病起擾擾不復拈筆矣

許繇巢父善卷

洗耳傲唐堯首闢高蹈則牽牛飲上流巢父尚
嘖嘖善卷聞其風脫屣繼遺迹冬衣緝羽毛夏
服紵荔薜日出可以作日入可以息優游天壤
固有所不_一得安用天下爲以_身爲物役是_是

內篇

二

禹稷業伊人或未克矯矯塵外珍亦生唐虞色

壤父

席公擊壤歌帝力我何有蕩蕩陶唐民戴履忘
高厚我亦耕鑿人作息混南晦優游卒歲月交
離送老醜秋毫皆帝力素飽恐爲負戮力勤耒
耨千古得尚友

榮啓期

貧者士之常歿者民之終憂貧與怖歿兩念何
憧憧歿非怖所却貧非憂所豐徒自擲歲月不
得開心胸榮公知道者三樂何融融披葛行帶
索歌聲薄層穹至今太山下習習生清風

林類

有來必有去來固不足慕有去必有來去亦何
足怖安即去之樂不猶愈於生乎歟合惠人系

內篇

三

明去來故佛旨未西來斯人了已悟仲尼方內
人亦洽方外趣解后立譚間賞心於此遇

愚公

迂者論曲直夸者較贏輸有似燕與蝠所爭何
區區愚公牛生犢賣犢更買駒少年持駒去謂
爾風所無人爲不平色翁也但晏如曲直輸贏
間忘懷得恬愉其愚不可及可爲智者模

塞翁

天道浩相倚人事倏無定朝咲夕或號昏弔晨
更慶大道無揀擇至人不將迎馬失不足悲肱
折亦非病達哉塞上翁靜觀有深證

楚狂荷篠荷簣長沮桀溺

皇皇悲惻心栖栖風塵裏身在溜磷外惟聖迺
可爾亂世獨抽身含藏固其理楚狂發浩歌耜

內篇

四

耕示深旨荷篠荷簣人逃名終沒齒吾觀魯論
中雍斑多所紀豈盡示譏訶蓋亦記高軌是皆
狂狷士下聖一等耳

披裘翁

愧者伺暮夜攫者入市中遺金無所還非與三
物同季子見不取律已見高風貨惡棄于地指
示薪者窮尚遭皮相斥姓字不爲通至今傳其

事但稱披裘翁

鬼谷子

鬼谷有異人卽以谷爲氏或云王詡也安知是非是姓字尚傳疑誰能記年齒高風齊箕頴龍德似聃耳聲雄和嘆食城景青溪裏汲澗蕩玄波凌梯將丹蕊長謝蟬蛸輩獨保喬松理儀泰

內竹

五

漢陰丈人

淮園良已勤抱甕計益拙終日不盈畦用力空拊拊豈無枯梓逸蘇此町疇渴所嗟純白心坐使機事伐混沌既已成機巧互相幹緬懷漢陰人千斤引一髮

原壤

方外有至理尼父夙所晰親故貴善終權言匪

實說所以扣其脛禮爲我輩設真率外形骸擊跼截回譎合與闢微詮子荆信達節

登木之歌過若弗聞夫子無諍於原壤扣脛之杖受而無忤原壤無諍於夫子道不相謀而心可相照鮮有知其解者善乎孫楚之言也壤之輒張絕滅禮教實交仲尼同機合與聖以之滅俗以之笑獨協區外

內竹

六

孰知其妙

原憲

世羶一中人素風日不競或以貧病人或以貧自病誰知病與貧兩言非合并所以環堵生夷然鰲歷聘蒼素一以分千載晰二柄寧以衾踵露而媿裘馬覩

莊周

莊周多寓言肆志弄嘲諷豈緊詆賢聖實錄憤
末俗齊物同死生沈洋無軌躅大啓達生途爲
惠良以博牛不願爲犧龜寧其處櫝夢中隨蝶
化濠上觀魚樂三復逍遙篇鷗鵬等鳩鴛

列禦寇

子陽爲鄭相造粟餉列子列子辭不受其妻問
所以謂彼非知我以人之言耳知我以人言罪
內公

七

我亦必爾鄭人殺子陽超然脫禍否賢者辭受
間書紳佩深旨

老萊

楚王慕老萊使至蒙山側車轍阮紛紛玄纁亦
奕赫逸妻來田間見此意不憚可啖以芻豢卽
可隨鞭策可餌以爵祿卽可判斧戟萊子聞此
言恍然濯心鬼隱者唱隨問豈不貴儷德

顏回

晚食以當肉安步以當車無罪以當貴貞正以
自娛恭承君子惠敬廣置座隅敝緼以當錦華
門以當朱無毀以當譽不憂以當愉飽食以當
奏茵草以當瑜法喜以當姝稽古以當徒遠禍
以當福不貪以當帑

屠羊說

內公

八

伍員脩楚隙楚子遜于荒爰有俠隱人奇節特
邁常君也失其國說亦失屠羊君也反其國說
亦反屠羊豈以草莽臣而苟避其殃豈以羈勒
勤而必受其僨鄙哉臨河要慰矣介山藏狐偃
誠細人介推非慨慷未若鼓刀人千載垂芬芳
黔婁

黔公有道者守操終不渝好爵非所慕屢空恒

晏如遺衾不掩體見者爲歎嗟寧正而不足無邪而有餘緇襦與珠玉飾此速朽軀同盡隨蒿里寂寂誰見舉

段干木

段子學西河起家自馴喻廼知學問力足以破流輩式廬一何恭踰垣一何介偃息茅茨下強秦覽其喙賢者藩人國賢於金湯盼

內

九

淳于髡

淳于見齊王三見不言事最後一語合卿相立譚耳翻然舍之去珪組莫能何論酒雖滑稽要非優旃比舍大傳其細龍門失軒輊儒者論古人滯泥文字祗沿炙轂言便噴牙齒利名實先後間遺世獨肆志髡也與魯連寧詎慙高士

於陵子仲

屈殺請陳仲無用比堅瓠孟氏亦深詆以離母兄故其者至欲殺無廼過賤惡士生七雄代未可例疾固匍匐食蟪餘猶賢挈馬兔非有曠林戈責善勝合汙昔人苦室謫安貧少同趣賢哉緝繡人辛勤佐織屨中行吾不知狷節良以樹一遭大賢非千載不得訴吾意殊憫憫不復滯章句巨擘亦有言茲理庶無近

內

十

鵲冠子

之子論大道著書不著名原嘗春陵時客子紛縱橫濁世宜匿影至人貴毀精馮子負奇策託梓有平生晚節挾長鋏歌彈干齊嬰恐其謬相引以我賣名聲告絕非隙末交道見崢嶸寧似彈冠者縱縱有俗情

應曜

采采商山芝服之顏色好胡爲狗孺子西走長
安道雖成羽翼功終貽猿鶴誚同時被徵人淮
陽有一老雅操謝玄纁抗節貫華皓哂彼四老
夫潛見何草草當時有遺評千載定品藻

司馬季主

東市賣卜人神道設至教與臣言依忠與子言
依孝賢者隨所居於世必有造汙行藏潔衷卑

內

十二

處迺高蹈嗟哉二大夫何知長者道

張長公

仕宦無巧拙儕俗迺爲賢中懷苟不能如方不
納聞自度良以審豈必歷屯邇長公早迴轡養
性自窮年匪繫事抗矯聊用寡尤愆

嚴遵君平

益貨損我神生名殺我身至哉不朽言吾黨宜

書紳上隱取粗給剩餘非所珍子雲稱善易函
丈昔所親執戟良以疲投閑何遑巡太玄雖覃
思淵源亦已淪豈若垂簾人沈冥保清真

向長子平禽慶

韋編三絕後向子稱達識益固不勝損于此見
真易貧富貴賤閒靜觀見明剗歿生雖未知三
閭理不隔死者爲歸人生者爲行客一謝生人

內

十二

累名山恣杖策如君方寸間五岳猶爲窄禽生
亦哲人因君流標格

李弘仲元

仲元本脩士雅操不淄磷不夷不惠問居身得
所珍戢景化閭里能使風俗淳一聞邑綬徵酣
飲迺彌旬

法真高卿

關西有大儒守素保玄德野服見邦君曠然無
所飾一聞相吏言伉儷動顏色南山更可南北
山更可北鴻飛本冥冥慕者何繇六

梁鴻

伯鸞稟異質童孺操已端時運既云非長噫出
漢關悲歌其痛哭千載爲辛酸寄隱廬廡下食
力不辭艱伯通有心人定交杵臼間昨爲傭作

侶今爲道義歡逸妻如莊士終老無情顏賢者
不得志于野亦可觀豈無赫赫士因人良可歎

班嗣

班生饒賜書挿架軸常滿子雲廼父黨識字窮
與衍猶時叩冊府相從討墳典大道尤所珍不
爲俗人聞桓生借南華夷然不肯遣繫繫羶鎖
人安足語狂簡

嚴光

朋故契雖深貴賤勢亦邈兀傲處士足加之帝
王腹廼知遺榮人放情無拘束勿謂狂奴態其
狂不可學脫屣微辟間歸臥桐江曲一絲何飄
飄繫鼎力固卓姓氏有餘芬終古與地軸

王霸

孤仲事躬畊意亦薄遊冶故人懷疇昔枉駕衡

內

十四

苑下輿馬旣赫奕威儀亦都雅蓬跣農家兒兄
客喬而楚父子偶情深慙沮不能罷紛華使心
戰忠士廼猶且子伯誠貴人何如君高也令妻
吐德音煩襟乃一灑書之置座隅時當友益者
蔣詡元卿

俗士說不急求田與問舍聽之惟恐臥有如流
趨下名士峻坊表矜嚴立聲價激揚多危言有

如的來射清濁雖不同臭味隔鮑廩寂寂隱者
居二客繁所謝元卿三徑中密篁自相亞惟有
推廉人時來供休暇人竹相與清高風誰能駕

張仲蔚

貞士養性情所樂在棄書不受塵客駕寧慕長
者車所以庭堦內蓬蒿恒翳如日夕翔鳥雀風
雨當門如常無憂與且無少別除却六義後

內

十五

跡庶用保清虛

王君公

壺山既蒙耻北山亦移文遯世苟非真遠引徒
空勤君公隱壙東何曾去人羣儉牛跡自穢久
迺自芳芬韓龍全其身微妙難具論

閔貢

孟氏論儒效傳食不爲侈仲叔抗士志口腹實

所耻儒效不可希吾其學閔子不累安邑嫌自
井藜藿美君子居是邦操聚當如此

韓康伯休

井井枯必早木直伐故先後狙捷誨射虎豹文
來田士以名自立還爲名所煎漢道昔云季委
寄別有權名與法相仇流毒消四埏伯休隱賣
藥女子知其賢翻然從此逃滅跡入深山黃

內

十六

避婚燬高舉遊雲烟惜哉龍門客空爲人所憐

袁閔夏甫

日中景必傾月滿光當缺世人競目曉高趾矜
閑閑寧知感哀端物理本相迭况殉事吝縱助
天更爲孽譬如積薪下火發勢必烈哀生貴公
子徒步事觀謁土室無門戶自歸通飲啜三節
勒炯戒豈曰非明哲

孟敏叔達

器界有盡期人心自無竟散思聚日歎弔想昔
時慶一感有餘傷百力不爭命達者知無常洞
觀得順應成毀同一條萬事付前定劫火壞大
千細瑣等破甑

徐稚孺子

內
十七

黃血巾屨既高蹈南州亦早哲千里薦生芻抽
身旋電滅其人信如玉在璞保貞潔

郭泰林宗

林宗秉玄鑒曠度稱善誘獎借生羽毛琢磨就
瑣玖百川超南溟衆星尊北斗道廣慮難周節
峻或寡偶折衷二陳間中道得無咎雖同僊舟
榮終遠龍門疾

焦光

閱世如逝川衰白固相召先生獨何道已老還
更少魏氏亂天綱滅迹逃層嶠持斧伐荆薪特
與貧者燒葦守雖殷勤何緣領譚笑願言分白
石收此齒髮邵

申屠子龍

檀嗣生華霍永辭斤斧厄威鳳翔千仞豈必見
十八

矯矯峴岡荀已炎寧分玉與石所以申屠生賴
光早匿跡三事豈能招丘園葆貞白鄙哉南郊
生振手謝腐嚇

臺佟孝威

刺史憐幽居殷勤相勞苦豈知苦所集迺反在
圭組世務既云勞得失更相煮衍衍中林士本
懷無所取著書惟桑麻足跡絕公府靜嘯撫素

絃晏起逼亭午性命得恬愉所保不猶愈

汜勝無忌

汜子棄官歸散斥舊貲財豈不念資生高人遠
禍胎生逢濁亂世惟貧廼無災讀書友古昔灌
園蒔蒿萊殷勤謝刺史門杜豈更開

步密

龍蛇旣以蟄便應泯其跡若更自表異未能耳

十九

晦匿人知爲龍蛇存身安可得獻瓜一何卑盤
蔬亦飽喫不爲人所知政得我所壽步生處亂
世居然見龍德

寧切安

管公有道者遠引自抱璞當其揮鋤時黃金同
瓦璞擾擾爭奪世能興禮讓俗老瞞多半籠安
能罩黃鵠齷齪華子魚何顏厠龍腹

夏統

仲御謝宗親匪乖敦睦理勸我求利達待我一
何鄙一爲扣舷歌百靈紛旖旎未必非濫言慷
慨自奇士鹵簿誇光耀聲伎陳綺靡吳兒木人
也焉能回高視

鹿德公

丙
二十

猶未愚者益其非賢者損其智高明鬼所瞰多
藏衆所恃爲禍不旋踵爲福不盈眦所以古達
人脫屣謝榮利多文以爲富立義以爲地遺以
太山安豈在篋與笥三復龐公言貽燕有深味

陶淵明

淳朴既已散熙攘隨運會伊人濁世中自閤鴻
濛界苦節有深心達生無少礙力畊學老農謙